

INUIT ATAQATIGIIT

INATSISARTUNI



20. juni 2016.

Matumuuna Inatsisartut suleriaasianni §37 naapertorlugu Naalakkersuisunut apeqqutit imaattut ingerlatippakka:

Apeqqutit:

- 1. Inuiaqatigiit akiitsui 870 mio.-nit akilerneqartariaqartut naalakkersuisut oqaatigisaat inuusuttut inersimasut utoqqaallu akiligassarivaat?**
- 2. Naalakkersuisut piviusorsioortuusoraat akiliisussat akiliisinnaassuseqanngereersut, soorlu, ineqarnermut akiliutit, ikiorsiissutit taarsersugassat, aamma meeqqat angerlarsimaffiup avataanut inissineqarsimasut angajoqqaavisa akiliutissaat pinngitsaaliisummik akilersutilissallugit?**
- 3. Ineqarnermut akiligassallit, ikiorsiissutinik taarsersugassallit aamma meeqqat angerlarsimaffiup avataanut inissineqarsimasut angajoqqaavi ataatsimut isigalugit ima akissaqarluartigippat allaat isertitagissaartutut oqaatigineqarsinnaallutik?**
- 4. Naalakkersuisut kissaatiginngilaat inuiaqatigiinni pisuut nammaqataanerulersillugit pissakereersut akilersuitinnagit aningaasarsiornikkut aaqqissuussinissaq inuit atugarliortinnagit, ilaqutariillu meeraqqortunerit artukkernagit aaqqiinissaq?- Taamaangippat suut Naalakkersuisunit tunngavilersuutaappat?**
- 5. Boligstøttimut taarsersugassat pinngitsaaliisummik akiligassanngortinneqarpata isertitakinneppat immaqalu ilaqutariit inuillu akissaqanngereersut eqqornerlunneqaannassapput. Imaappa boligstøttimut akiligassallit akiliisinnaassuseqarluartuusut?**
- 6. Meeqqerivinnut akit qaffasissinnaaqisut angajoqqaat akiitsuinik pilersitsisimasut pinngitsaaliisummik akileeqqusinikkut naalakkersuisut uppernarsarsinnaavaat ilumut pineqartut ima isertitarissaartigisut allaat akiligassanik akilersuisinnaagaluarlutik akiliisarsimannagitsutut oqaatigineqarsinnaallutik? Akissummut tunngavilersuutit suuppat?**
- 7. Qeqqata kommuniani ilaqutariit marlunnik meerartallit meeqqerivimmiititsinerminnut akiliutaat Kommuneqarfik Sermersooq-imi ilaqutariit marlunnik meerartallit akiliutaannut sanilliullugit marloriaammik akiliinikinnerusartut takussutissippaatigut akileeqqusinermi assigiinngilluinnartumik atugallit artorsarnerpaallu akiliisinniarneqarnissaannik naalakkersuisut akiliisitsinissamik pinngitsaaliiniarnerminnut aporfussangatinnigilaat?**
- 8. 2016-imut Aningaasaqarnikkut ingerlatsineq pillugu naalakkersuisut nalunaarutaanni uppernarsarneqarpoq pinngitsaaliilluni akiliisitsiniarnermi akiliisinniarneqartut inuit pineqartut akiliisinnaassuseqarnermikkut attorsareersut pineqartut, tamanna naalakkersuisut uppernarsarsinnaavaat? Taamaangippat tunngavilersuutit suuppat?**

(Aqqaluaq B. Egede, Inuit Ataqatigiit)

Tunngavilersuut:

Inatsisartunut ilaasortat aningaasaqarnermut tunngasunik naalakkersuisuniit paasissutissinneqarnerisa kingorna apeqqtissat arlallit ingerlatinnissaat pisariaqalersimavoq.

Taamaammatt apeqqtit nassiussakka suleriaqqinnissamut paasissutissatut nutaatut atugassaammata, aamma naalakkersuisut tunngavilersuutaannut ilaareermata kissaatigaara apeqqtit ullut qulit qaangiutsinnagit naalakkersuisuniit akineqarnissaat.